

邇

言

通言卷三

嘉定錢大昭

上司

魏志杜恕傳注云若令下官事無大小咨而後行則非
上司彈繩之意若咨而不從又非上下相順之宜晉書
范甯傳云夫府以統州州以監郡郡以蒞縣如令互相
領帖則是下官反爲上司賦調役使無復節限

下縣

漢書文翁傳云又脩起學官于成都市中招下縣子弟

以爲學官弟子顏師古曰下縣四郊之縣非郡所治也

加級

呂覽懷寵篇云皆益其祿加其級高誘曰級等也

奸缺

宋書羊元保傳云太祖嘗曰人仕宦非唯須才然亦須
運命每有好官缺未嘗不先憶羊元保

陸見

後漢書戴封傳云公車徵陸見對策第一擢拜議郎又
周黨傳云陸見帝廷黨不禮屈

公館

曾子問篇云公館復私館不復鄭注公館若今縣官舍也

幕賓

晉書郗超傳云桓溫欲立霸王之基超爲之謀謝安與王坦之嘗詣溫論事溫令超帳中臥聽之風動帳開安笑曰郗生可謂入幕之賓矣

下官

文選江文通詣建平王上書云下官每讀其書未嘗不

廢卷流梯李善注引沈約書曰郡縣爲封國者內史相
並於國王稱臣去任便止世祖孝建中始改此制爲下
官

大人

易乾九二利見大人禮記云大人世及以爲禮孟子云
說大人則藐之大人者不失其赤子之心者也乾鑿度
云孔子曰大人者聖明德備也焦氏易林云大人衛守
君不失國漢書陳湯傳云今無名王大人見將軍受事
者何單于忽大計失客主之禮也匈奴傳云左伊秩訾

王爲呼韓邪計勸令入朝漢諸大人相難久之並有德位之通稱後漢書岑彭傳云彭因言韓歆南陽大人可以爲用則又以爲大家豪右之稱馬嚴傳遂交結英賢京師大人咸器異之蘇章傳祖父純字桓公性強切而持毀譽士友咸憚之至迺相謂曰見蘇桓公患其教責人不見又思之三輔號爲大人則又以爲長者之稱漢書高帝紀云始大人常以臣無賴不能治產業霍光傳云因脆曰去病不早自知爲大人遺體也並稱父爲大人疏廣傳云受叩頭曰從大人議則稱世父爲大人也

謝恩

後漢書郭伋傳帝以盧芳據北土迺調伋爲井州牧過京師謝恩帝卽引見

卓異

後漢書劉愷傳誠宜簡練卓異以厭衆望廣雅云倣黨卓異也倣黨與倣儻同

六親

老子云六親不和有孝慈王弼曰六親父母兄弟妻子也史記管晏列傳云上服虔則六親固張守節曰六親

謂外祖父母一父母二姊妹三妻兄弟之子四從母之
子五女之子六也呂覽曰何謂六戚父母兄弟妻子高
誘曰六戚六親也漢書賈誼傳云以承祖廟以奉六親
應劭注與呂覽同後漢書馮衍顯志賦云念人生之不
再兮悲六親之日遠秦彭傳乃爲人設四誠以定六親
長幼之禮章懷注並云六親夫婦父子兄弟也諸說不
同當以呂覽爲正

親眷

魏志毛玠傳云文帝爲五官將親自詣玠屬所親眷玠

答曰老臣以能守職幸得免戾今所說人非遷次是以不敢奉命

尊公

晉書陳壽傳云丁儀丁廙有盛名於魏壽謂其子曰可覓千斛米見與當爲尊公作佳傳丁不與之竟不爲立傳又簡文帝本紀云帝謂郝超曰致意尊公

哥

舊五代史晉李德珣傳德珣幼與明宗俱事武皇故後之諸將多兄事之時謂之李七哥

家兄

晉書謝元傳云戴逵處士逵之弟逵屬操東山而逵以武勇顯謝安嘗謂逵曰卿兄弟志業何殊逵曰下官不堪其憂家兄不改其樂

舍弟

魏文帝與鍾大理書曰是以令舍弟子建因荀仲茂時從容喻鄙旨

阿翁

梁人木蘭詩云阿翁無大兒木蘭無長兄後人以木蘭

詩爲中唐人韋元甫作非也韋乃擬木蘭詩耳北夢瑣
言云後唐明宗時秦王從榮進詩上說於俳優敬新磨
敬新磨贊美曰勿訝秦王詩好他阿爺平生好作詩上
大笑

阿公

唐趙璘因話錄云晉州視事際有婦人陳牒論田產稱
阿公在日

新婦

焦氏易林同人之渙云娶于姜呂駕迎新婦

家父家母

顏氏家訓云陳思王稱其父爲家父母爲家母

家祖

顏氏家訓又云潘尼稱其祖曰家祖

家公

家訓又云昔侯霸之子孫稱其祖父爲家公

家君

後漢書列女傳袁隗問曰南郡君學窮道奧文爲辭宗
而所在之職祿以貨財爲損何耶倫對曰孔子大聖不

兔武叔之毀于路至賢猶有伯察之想家君獲此固其
宜耳

家姑家姊

家訓又云蔡邕書集呼其姑姑爲家姑家姊

家孫

家訓又云班固書集亦云家孫

稱尊稱賢

家訓又云凡與人言稱彼祖父母世父母父母及長姑
皆加尊字自叔父以下則加賢字尊卑之差也大昭謂

今人與己之卑幼稱賢未知所出

先父

左氏成九年傳云公曰能樂乎對曰先父之職官也敢
有二事

娘子

唐書高祖女平陽公主典兵號娘子軍韓昌黎有祭周
氏十二娘子文花葉夫人宮詞云諸院各分娘子位北
里志詩云一曲高歌綾一匹兩頭娘子謝夫人是不論
貴賤皆稱娘子也

側室

宋書謝靈運傳云何長瑜文才之美亞于惠連寄言宗人何勗以韻語序臨川王義慶州府僚佐云陸展染鬚髮欲以媚側室青青不解久星星行復出

姬

今俗稱人側室曰姨娘案史記呂后本紀云高祖爲漢王得定陶戚姬裴駟集解引如淳曰姬音怡衆妾之總稱也蓋古有是稱而今變其字爲姨耳

鄉里

南史張彪傳呼妻爲鄉里云我不忍令鄉里落他處

姨母

舊五代史周太祖紀帝未及韶卽章德太后蚤世姨母
楚國夫人韓氏提攜鞠養

姑夫

宋書袁淑傳淑十餘歲爲姑夫王宏所賞

姊夫

晉書郗愔傳云愔與姊夫王羲之高士許惔並有遺世
之風晉陽秋云荀顛幼爲姊夫陳羣所異

見魏志注

子婿

漢書張耳傳云子敖嗣立爲王尙高祖長女魯元公主爲王后高祖過趙趙王旦莫自上食體甚卑有子婿禮說文婿夫也从士讀與細同今吳中稱婿如細與古音合舊五代史周世宗紀戶部侍郎王敏停任坐薦子婿陳南金爲河陽記室也

外孫

漢書婁敬傳云冒頓在固爲子婿死外孫爲單于豈曾聞外孫敢與大父亢禮哉

兄子壻

兄子壻今謂之姪壻後漢書馬援傳云援兄子眉王磐子石王莽從兄子也

從孫甥

左傳云太叔疾之從孫甥哀二十五年杜預曰姊妹之孫爲

從孫甥與孫同列

姊女

姊女今謂之外甥女後漢書馬后紀云時后前母姊女賈氏亦以避入

婦公

今人稱妻父母爲岳父母非也按爾雅釋親云妻之父爲外舅妻之母爲外姑晉書衛玠妻父樂廣有海內重名議者以爲婦公冰清女壻玉潤

坦

晉書太尉郗鑒使門生求女壻于王導導令就東廂徧觀子弟門生歸謂鑒曰王氏諸少並佳然聞信至咸自矜持惟一人在東牀坦腹食獨若不聞鑒曰正此佳壻耳訪之乃羲之也遂以女妻之

老姊

漢書杜欽傳云紅陽侯立與業書曰誠長老姊垂白隨無狀子出關

外甥

後漢書袁紹傳云外甥高幹爲并州刺史

岳公

摭遺云歐陽永叔嘗曰今人呼妻父爲岳公以太山有丈人峯又呼丈母爲泰水不知出何書也

中表

後漢書鄭泰傳云明公將帥皆中表腹心

外兄

後漢書來歙傳云君叔雖單車遣使而陛下之外兄也
注云光武之姑子故曰外兄

親家翁

五代史劉昫傳云先是馮道與昫爲姻家而同爲相道
罷李愚代之愚素惡道爲人凡事有稽失者又指以謂
昫曰此公親家翁所爲也

太山

段成式酉陽雜俎云明皇東封以張說爲封禪使及事
已三公以下皆轉一品說以媾鄭鎰官九品因說遷五
品元宗恠而問之鎰不能對黃幡綽對曰太山之力也
案今人以外舅爲太山因此或曰太山有丈人峯俗稱
外舅爲丈人故謂之太山

彌甥

左傳云以肥之得備彌甥也杜預曰彌遠也季桓子外
祖母故稱彌甥正義曰季桓子爲宋景公之甥景公爲
康子父之舅氏也

姊子

姊子今謂之外甥後漢書馬援傳援謂姊子曹訓云云
子姪

晉書譙王休之傳云休之力戰不捷乃還城攜子姪奔
於慕容超范甯穀梁傳序云兄弟子姪研講六經北魏
書云劉廐與清河王懌子姪交遊往來

通言卷四

嘉定錢大昭

友于

後漢書史弼傳云陛下隆于友于不忍退絕魏志陳思
王植傳云今之否隔友于同憂晉書王渾傳云虧友于
欵篤之義宋書范泰傳云孝慈天至友于過隆南史齊
文惠太子傳太子見上友于既至北史李順傳篤穆友
于見科于世

具爾

陸機歎逝賦云痛靈根之夙隕怨具爾之多喪李善曰具爾兄弟也

貽厥

晉書五行志云何曾謂子遵曰國家無貽厥之謀及身而已南史到溉之孫蓋從宋武帝登北固樓賦詩帝稱爲才子後溉和上詩上輒手詔戲之曰得無貽厥之力乎

先輩

采薇詩鄭箋云西伯將遣戍役先與之期以采薇之時

今微生矣先輩可以行也

徵君

後漢書黃憲傳云天下號曰徵君

漢子

北齊書魏愷自散騎常侍遷青州長史固辭文宣帝大怒曰何物漢子與官不就

名士

月令聘名士鄭注名士不仕者

賤子

漢書樓護傳云邑居樽下稱賤子上壽

晚生

元方回詩云晚生何敢歧前賢夫子宮牆賜及肩

門生

五代史裴皞傳云皞以文學在朝廷久宰相馬允孫桑維翰皆皞禮部所放進士也後允孫知舉放榜引新進士詣皞皞喜作詩曰門生門下見門生世傳以爲榮維翰已作相嘗過皞皞不迎不送人或問之皞曰我見桑公于中書庶寮也桑公見我於私第門生也何送迎之

有人亦以爲當

同年

唐書許季同傳云時京兆尹元義方奏劾宰相李絳與季同舉進士爲同年才數月輒徙帝以問絳絳曰進士明經歲大抵百人吏部得官至千人私謂爲同年本非親與舊也

此外

方回續古今攷云南渡前開封富人皆稱員外古之員外直猶近人之添差其稱謂之素久矣

駸子

潛夫論云癡兒駸子尙云不當救助

腐儒

荀子非相篇云易曰括囊無咎無譽腐儒之謂也

客作

魏志管寧傳注引魏畧云焦先饑則出爲人客作飽食而已不取其直

賤僮

今吳俗罵人曰賤僮

讀若胎

揚雄方言云僮農夫之醜稱

也南楚凡罵庸賤謂之田儻郭璞註休儻爲鈍兒或曰僕臣儻亦至賤之號也

酒保

鶡冠子云伊尹酒保太公屠牛皆滄內荒亂立爲世師漢書樂布傳云窮困賣庸於齊爲酒家保孟康曰酒家作保保庸也可保信故謂之保顏師古曰謂庸作受顧也爲保言保可任使後漢書杜根傳云因得逃竄爲宜城山中酒家保注云廣雅曰保使也言爲人備力保任而使也

當兵

楊雄甘泉賦云詔招搖與泰陰兮伏鉤陳使當兵李善引鄭注禮記云當主也主謂典設也

笨伯

晉書羊聃傳云先是兗州有八伯之號時州里稱陳留阮放為笨伯高

平都鑿為方伯泰山胡毋輔之為達伯濟陰卞壹為義伯陳留蔡謨為朗伯阮孚為誕伯高平劉毅為委伯羊

曼為黯伯號兗州八伯擬古之八儔也其後更有四伯大鴻臚陳留江泉

以能食為穀伯豫章太守史疇以大肥為笨伯散騎郎

高平張疑以狡妄為滑伯而聃以狠戾為瑣伯蓋擬古

之四凶

九流

漢書敘傳云劉向司籍九流以別爰著目錄略序洪烈
應劭曰儒道陰陽法名墨從橫雜農凡九家

阿誰

蜀志龐統傳先主謂日向者之論阿誰爲失統對曰君
臣俱失先主大笑

百姓

古稱百官爲百姓今俗以鄉民爲百姓然亦有所本史

記荆通傳云臣范陽百姓荆通也

主者

漢書周勃傳有主者後漢書劉陶傳云事付主者

宗師

漢書藝文志云憲章文武宗師仲尼

冰人

晉書孝廉令狐策夢立冰上與冰下人語索統曰冰上
爲陽冰下爲陰陰陽事也士如歸妻迨冰未泮昏姻事
也君在冰上與冰下人語爲陽語陰媒介事也君當爲

人作媒冰泮而婚成策曰老夫耄矣不爲媒也會太守
田豹爲子求鄉人張公徵女仲春而婚成焉

裁縫

周禮內司服注云主宮中裁縫官之長又縫人注云女
工女奴曉裁縫者杜甫詩云裁縫滅盡針線迹孟郊詩
啓貼理針線非獨學裁縫

孩兒

周書康誥云若保赤子孔傳愛養人如孩兒赤子

寒酸

趙宦光說文長箋云周官田大夫之屬曰田畯因農夫
義故鄙野人曰寒畯鄭光祿熏舉引寒畯士類多之俗
誤讀寒酸酸重文作酸本从畯失酉形易溷也大昭謂
宋元人目秀才爲窮措大因改措爲醋又因醋味酸而
謂爲酸皆後人取笑之詞非誤讀也

軍師

武王伐紂以呂尚爲師尚父田單守卽墨以一卒爲神
師韓信旣破趙師事李左車皆軍師也隗囂聘請平陵
人方望以爲軍師鄧禹以韓最爲軍師漢末華歆爲軍

師董蒙爲軍師祭酒則竟以軍師爲官名矣

將軍

春秋時晉使卿爲軍將謂之將中軍將上軍左氏昭二十八年傳云豈將軍食之而有不足將軍二字始見於此後世遂以爲官名矣

使君

漢書王新傳云使君顏生殺之柄顏師古曰爲使者故謂之使君

秀才

管子小匡篇云其秀才之能爲士者則足賴也

蒼生

書益稷篇至于海隅蒼生孔傳以蒼生爲蒼蒼生木晉書山濤謂王衍誤天下蒼生世說云安石不肯出將如蒼生何是晉書始以民爲蒼生也

君侯

漢書丙吉傳客或謂吉曰君侯爲漢相姦吏成其私然後懲艾後漢書楊終傳終戒馬廖曰君侯誠宜以履薄臨深爲戒

等輩

後漢种岱傳云若不槃桓難進等輩皆已公卿矣

我輩

晉書石苞傳見吏部郎中許允求爲小縣允謂苞曰卿是我輩人當相引在朝廷何欲小縣乎

幼童

衛風芄蘭箋云惠公以幼童卽位左氏閔二年傳云惠公之卽位也少杜預曰蓋年十五六漢書鮑宣傳云外親幼童未親經術者皆宜令休就師傅

通言卷四
小生

漢書朱雲傳云薛宣爲丞相從容謂雲曰在田野無事
且留我東閭雲曰小生乃欲相吏邪宣不敢復言顏師
古曰小生謂其新學後進言欲以我爲吏乎

祖師

漢書外戚傳云定陶丁姬易祖師丁將軍之元孫

總督

漢書敘傳云昭宣乘業都護是立總督城郭三十有六

時髦

後漢書贊云孝順初立時髦允集

花娘

陶宗儀輟耕錄云娼妓爲花娘李賀申胡觴栗歌序命
花娘出幙徘徊拜客

了頭

唐劉賓客寄贈小樊詩云花面了頭十三四春來綽約
向人時

淫婦

魯語云季氏之婦不淫矣

老物

晉書宣穆張皇后傳帝嘗臥疾后往省病帝曰老物可
憎何煩出也后慙志不食將自殺諸子亦不食帝驚而
致謝后乃止帝退而謂人曰老物不足惜慮困我諸好
兒耳

奴才

晉書劉元海曰穎不用我言逆自奔潰真奴才也唐書
郭子儀曰子儀諸子皆奴才也

惡少

荀子修身篇云偷懦博事無廉恥而嗜乎飲食可謂惡少者矣

冤家

梁簡文始生誌公賀梁武曰冤家亦生矣蓋指侯景亦生於是歲也

無賴

漢書高祖紀始大人以臣無賴晉灼曰賴利也謂無入于家也或曰江淮之間謂小兒多詐狡獪爲無賴

老賊

後漢劉永傳帝曰吾常以龐萌社稷之臣將軍得無笑其言乎老賊當族

雜種

晉書前燕載記贊曰蠢茲雜種梁邱遲書云姬漢舊邦無取雜種

癡種

大戴禮曰慧種生聖癡種生狂越絕書亦有此語

老奴

晉書后妃傳賈充密遣語妃云衛瓘老奴幾破汝家

生事

公羊傳云遂者何生事也何休曰生猶造也漢書陳湯傳云禹復爭以爲吉往必爲國取侮生事不可許

爲非

漢書灌光傳云將軍爲非不須校尉

破綻

元方回桐江續集云壞屋如敝衣隨意補破綻

相罵

左傳伏已而盥其腦服虔曰如俗語相罵云噉女腦矣

獻醜

後漢郭后紀論云雖惠心妍狀愈獻醜焉

取笑

魏志劉廙傳云注引廙別傳云門戶殪滅取笑明哲

相打

晉書諸葛長民傳云長民富貴之後常一月中輒十數
夜眠中驚起跳踉如與人相打毛脩之常與同宿見之
駭愕

弄權

曹元首六代論云君孤立於上臣弄權於下

打人

宋書長沙景王傳云劉義宗坐門生杜德靈放橫打人
還第內藏義宗隱蔽之免官

發笑

漢書司馬遷傳云適足以發笑而自黜耳

果然

漢書循吏傳云朱邑病且死屬其子曰我故爲桐鄉吏
其民愛我必葬我桐鄉後世子孫奉嘗我不如桐鄉民

及死其子葬之桐鄉西郭外民果然其爲邑起冢立祠
歲時祠祭至今不絕後漢書光武曰吾所以不令賈復
別將者爲其輕敵也果然夫吾名將

藉甚

漢書陸賈傳云名聲藉甚

乍可

杜荀鶴詩云乍可百年無稱意難教一日不吟詩

怪道

後漢廉范傳薛漢坐楚事誅故人門生莫敢視范獨往

收斂之夷以聞帝怒問范曰卿廉頗後邪與右將軍褒
大司馬丹有親屬乎范對曰褻臣之曾祖丹臣之祖也
帝曰怪卿志膽敢爾因質之今人言恠道之恠本此

自然

賈誼新書云習慣如自然晉書后妃傳文明王皇后祖
朗薨后哀戚哭位發于自然

可憐

漢書楊惲傳爲言大臣廢退當闔門惶懼爲可憐之意

不大

詩曰不大聲以色漢書田叔傳叔爲魯相魯王好獵相
常從入苑中王輒休相就館相常暴坐苑外終不休曰
吾王暴露獨何爲舍王以故不大出游

不饒

杜牧之送隱者詩云公道世間惟白髮貴人頭上不會
饒

那得

袁宏後漢紀云更始韓夫人曰不如此者帝當那得之

何苦

漢書高祖紀云漢王數羽曰何苦乃與公挑戰魏布傳
與布相望見險謂布何苦而反後漢書蓋勳傳云靈帝
召見問天下何苦而反亂如此勳曰侍臣子弟授之魏
志曹仁傳云仁遣部曲將牛金與吳將周瑜挑戰遂爲
所圍仁意氣奮怒甚謂左右取馬來長史陳矯謂仁曰
賊衆盛不可當也假使棄數百人何苦而將軍以身赴
之

幾許

古詩河漢清且淺相去距幾許

耐可

俗呼寧可曰耐可李太白詩耐可乘流直上天又云耐可乘明月耐皆讀如能

多許

隋書天下何處有多許賊

砧殺

俗語太甚曰砧殺音沙去聲白居易牛開花詩云西日憑輕照東風莫殺吹自注殺去聲亦作煞元人傳奇砧風流砧殺思楊升庵謂京師語大曰殺大高曰殺高卽

今吾鄉之殺能大殺能高也

裏許

溫岐詩合歡桃核終堪恨裏許原來別有人

一出

俗謂一番曰一出世說林道人云今日與謝孝劇談一
出來

一點

杜子美詩關山同一點岑嘉州詩嚴灘一點舟中月又
赤驃馬歌草頭一點疾如飛又西看一點是關樓宋灣

白鳥翔翠微詩淨中雲一點花葉夫人詩精簾一點月
窺人蘇東坡詩一點芳心雀啁開

傳語

後漢書清河王慶傳云又令慶傳語中常侍鄭眾

面會

後漢耿純傳云純報劉揚曰奉使見王侯牧守不得先
詣如欲面會宜出傳舍

口占

漢書朱博傳云博口占檄文又陳遵傳云治私書謝京

師故人遵馮几口占譬吏且省官事書數封親疏各有
意顏師古曰占隱度也口隱其辭以授吏也

心照

潘岳夏侯湛諫曰心照神交唯我與子

肺附

漢書劉向傳云臣幸託肺附顏師古曰舊解云肺附謂
肺肝相附著猶言心膂也一說肺謂斫木之肺札也自
言於帝室猶肺札附于大材木也大昭案如前說則從
肉如後說則從木今人訛爲肺腑非是

心肯

唐太宗詩云待予心肯日是汝命通時

口信

宋書王景文傳云晚得征南參軍謝儼口信云云

經手

北齊書恩幸韓鳳傳云駕幸鳳宅宴會盡日軍國要密無不經手

著意

楚詞九辨云罔流涕以聊慮兮惟著意而得之

努力

古詩少壯不努力老大徒傷悲漢書翟方進傳云小史有封侯骨當以經術進努力爲諸生學問後漢光武紀有白衣老父在道旁指曰努力

低頭

焦氏易林云陽低頭陰仰首唐詩牀前明月光疑是地上霜舉頭望明月低頭思故鄉

中意

漢書杜周傳云奏事申意任用江充傳云上以充忠直

奉法不阿所言中意顏師古曰中當也

點心

唐鄭僂爲江淮留後家備夫人晨饌夫人顧其弟曰治
妝未畢我未及餐爾且可點心

致意

漢書朱博傳云故事二千石新到輒遣吏存問致意迺
敢起職晉書簡文帝本紀云郝超請急省其父帝謂之
曰致意尊公家國之事遂至於此

稽顙

荀子大略篇云平衡曰拜下衡曰稽首至地曰稽顙

注意

漢書西南夷傳云因盛言滇大國足事親附天子注意焉

打頭

蘇和仲詩忽焉欠伸屋打頭

過意

漢書貢禹傳云陛下過意徵臣臣賣田百畝以供車馬
公孫丞相傳云今臣愚為無汗馬之勞陛下過意擢臣

卒伍之中封爲列侯致位三公

通言卷五

嘉定錢大昭

草屋

南史宋後廢帝陳太妃家在建康縣居有草屋兩三間
上出行問尉曰御道那得此草屋當由家貧賜錢三萬
令起瓦屋

步檐

上林賦云步檐周流長途中宿師古曰步檐言其下可
行步卽今之步廊也

屋脊

左傳正義云說文葢棟梁也此是屋上之長材椽所以
馮依者也今俗謂之屋脊孟郊詩藏書挂屋脊不借與
凡聾

舍下

杜工部詩舍下笋穿壁

轅門

周禮掌舍王行則設車宮轅門漢書項籍傳諸侯將入

轅門

甲第

漢書高帝紀云賜大第孟康曰有甲乙次第故曰第也
司馬相如傳云列居東第師古曰東第甲第也居帝城
之東故曰東第也

黃堂

後漢郭丹傳太守杜詩敕以丹事編署黃堂以爲後法
注云黃堂太守之廳事

燕寢

唐韋蘇州詩云兵衛森豔戟燕寢凝清香

潭府

韓昌黎符讀書城南詩不見公與相潭潭府中居潭潭
卽沈沈漢書陳涉傳云夥涉之爲王沈沈者

流寓

後漢廉范傳范父遭喪亂客死於蜀郡范遂流寓西州

客堂

後漢延篤傳吾昧爽櫛梳坐於客堂

祠堂

漢書張安世傳云將作穿復土起冢祠堂翼勝傳勿隨

俗動吾家種柏作祠堂循吏傳文翁終于蜀吏民爲立
祠堂宋邑葬桐鄉西郭外民爲起冢立祠後漢書馬援
傳援夫人卒乃更脩封樹起祠堂潛夫論云廬舍祠堂
崇侈上僭

精舍

後漢劉淑傳云淑少學明五經遂隱居立精舍講授諸
生常數百人

反舍

漢書叔孫通傳云拜爲博士通已出反舍諸生日生何

言之諛也通曰公不知我幾不免虎口

塞責

史記項羽本紀云欲以法誅將軍以塞責

對門

漢書黥布傳云醫家與中大夫賁赫對門唐王維詩洛陽女兒對門居

單身

左氏昭十四年傳云收介特杜預曰介特單身民也

居閒

漢書灌夫傳云蚡言灌夫家在潁川橫甚夫亦持蚡陰
事爲姦利受淮南王金賓客居間遂已俱解郭解傳云
邑中賢豪居間以十數終不聽又云令洛陽豪居間乃
聽

超等

漢書食貨志云軍功多用超等大者封侯卿大夫小者
郎

脩舊

公羊傳云新延廡者何脩舊也

滿貫

韓非子曰有與悍者鄰欲賣宅以避之人曰是其貫將滿也或曰子姑待之答曰吾恐其以我滿貫也遂去之
潛夫論云後人貪權冒寵蓄積無極思登顛隕之臺樂循覆車之迹願俾福祚以備員滿貫者何世無之

不快

後漢書華佗傳云體有不快起作一禽之戲

得氣

班固賓戲曰得氣者蕃滋失時者零落

獻寶

漢書鄒陽傳云主人獻寶楚王誅之

重煩

漢書司馬相如傳云方今田時重煩百姓師古曰重難也不欲召聚之也

佳作

北魏書馮熙傳云北邙寺碑文中書侍郎賈元壽之詞高祖頻登北邙寺親讀碑文稱爲佳作又李太白集云不有佳作何伸雅懷

隔壁

宋書范蔚宗傳蔚宗在獄與謝綜等異處乃稱疾求移
考堂欲近綜等見聽與綜等果得隔壁

盪

說文盪覆蓋也从皿盪聲臣鉉等曰今俗別作盪非是
烏合切

澣

唐制十日一休沐韋應物詩九日驅馳一日閒白居易
詩公假月三旬是也今人以上中下旬爲上中下澣

用故事卻甚無謂

殷讀若烟

左傳云左輪朱殷杜預云血色久則殷殷音近煙今人謂赤黑爲殷色

徵

說文云徵中久雨青黑从黑徵省聲武悲切

恬

周禮鹽人職云王之膳羞共飴鹽注云飴鹽鹽之恬者又酒正五齊二曰醴齊注云成而汁滓相將如今恬酒

矣說文作𦍋云美也从甘从舌舌知甘者徒兼切

個

士虞禮云俎釋三个鄭注个猶枚也今俗或名枚曰個
音相近

斷

說文斷齒本也語斤切今吳人呼齒本爲牙斷肉

誌

漢書高帝紀左股有七十二黑子師古曰今中國通呼
爲𦍋子吳楚俗謂之誌誌者記也

涿

蜀志周群傳云初先主與劉璋會涪時蜀郡張裕爲璋
從事侍坐其人饒鬚先主嘲之曰昔吾居涿縣特多毛
姓東西南北皆諸毛也涿令稱曰諸毛繞涿居乎裕卽
答曰昔有作上黨潞長遷爲涿令涿令者去官還家時
人與書欲署潞則失涿欲署涿則失潞乃署曰潞涿君
先主無鬚故裕以此及之案今吳中亦有是語而涿則
讀若管

尼

北彌集書尼刺云比丘釋子通稱也尼別男女也七佛
前無尼創于耶輸陀羅得度于釋迦文法華稱耶輸陀
羅比丘尼傳燈載尼總持末山尼了然妙喜書中有尼
無著妙總皆尼之奇傑者了比尼事比丘所甚難尼尤
難也

你

隋書李密傳云宇文文化及曠目大言曰共你論相殺事
何須作書語邪

饒

焦氏易林云一指寰肉口無所得染其鼎鼎舌饒于腹

賀

漢書高帝紀云沛中豪傑聞令有重客皆往賀師古曰以物相慶曰賀案說文賀以禮相奉慶也

臘

說文冬至後三戌臘祭百神今俗別作臠非是

伏

漢書郊祀志秦德公作伏祠孟康曰六月伏日也周時無至此乃有之師古曰伏者謂陰氣將起迫於殘陽而

未得升故爲藏伏因名伏日也立秋之後以金代火金畏于火故至庚日必伏庚金也

信 助庚切

廣韻信楚人別種也晉陽秋云吳人謂中州人爲信陸抗曰幾作信鬼願辟疆曰不足齒之信陸機與弟雲書云此閒有一信父欲擬作三都賦又宋孝武比擬羣日王元謨爲老信韓昌黎詩無端遂餓信

詢

說文詢小兒未能正言也大牢切今俗閒以爲都遼切

癩

倉頡篇云癩鼻疾也王充論衡云鼻不知香臭爲癩

啞

唐書禮樂志云初隋用黃鍾一宮作擊七鍾其五鍾設而不擊謂之啞鍾

媯

說文媯不正也火麗切媯口戾不正也苦媯切今俗別作歪非是

賴

說文頓傾首也匹米切

訊

公羊傳云君嘗訊臣矣何休注云上問下曰訊

擘

說文擘拆也呼訝切今吳人俗語有此音

箒

說文箒以判竹圓以盛穀也从竹耑聲市緣切

箒

說文箒箒也从竹屯聲徒損切

圈 渠家切

五代史劉知俊傳知俊爲人色黑而其生歲在丑王建之諸子皆以宗承爲名乃於里巷構爲謠言曰黑牛出圈椶繩斷建益惡之說文云圈繫畜之閉也

椅

五代史景延廣傳云延廣所進器服鞍馬茶牀椅榻皆裹金銀飾以龍鳳宋曾吉甫幾次韓叔夏送行詩云竹椅蒲團深著意雪窗螢案坐收功

葦

荀子哀公篇云端衣元裳統而乘路者志不在乎食葷

蠟

潛夫論知脂蠟之可明燈也而不知甚多則冥之

枴

舊五代史漢高祖紀晉少帝遣牙將王峻奉表于契丹
契丹主賜木枴一蕃法貴重大臣方得此賜亦猶漢儀
賜几杖之比也王峻持枴而歸契丹望之皆避路

帳

後漢西域傳云仍將卑君遣敦煌以後部人三百帳別

屬役之食其稅帳者猶中國之戶數也

緹

說文緯十緹爲緹讀若柳

弄俗作術

南史齊廢帝鬱林王本紀蕭詵入殿帝出西弄遇害

件

舊五代史晉陳元傳修合藥法百件號曰要術刊石置
于太原府衙門之左

念

今人謂讀書爲念書案漢書王莽傳云念銅人銘有皇帝初兼天下之文

覓

北魏書茹皓傳云欲覓官職何不與舊五代史晉書趙德鈞傳云汝父子自覓天子何耶

煩

漢書周昌傳云召昌謂曰吾固欲煩公公盍爲我相趙後漢書馬援傳援曰此丞掾之事何足相煩

鑽

班固荅賓戲曰商鞅挾三術以鑽秦孝公

不耐煩

嵇康與山巨源絕交書云心不耐煩而官事執掌機務
纏其心世故繁其慮七不堪也宋書庾登之傳云弟炳
之爲人彊急而不耐煩賓客干訴非理者忿詈形於辭
色

不曉事

文選楊脩與曹子建書曰脩家子雲老不曉事

不中意

漢書孔光傳云光以議不中意左遷廷尉王溫舒傳云擊東越還議有不中意坐以法免

不中用

史記秦始皇本紀云吾前收天下書不中用者又外戚世家云武帝擇官人不中用者斥出歸之漢書王尊傳云助太守爲治其不中用趣自避退

不直錢

漢書灌夫傳云平生毀程不識不直一錢史游急就篇云牝敝囊橐不直錢顏師古曰牝者憊殘之帛也敝敗

衣也有底曰褱無底曰橐言巾帛及敝敗囊橐無所堪
任賣之不售也張叔仁送謝疊山人燕詩云此去好憑
三寸舌再來不值半文錢

不二價

孟子云從許子之道則市價不貳後漢書韓康傳康字
伯休采藥名山賣于長安市口不二價三十餘年時有
女子從康買藥康守價不移女子怒曰公是韓伯休耶
乃不二價乎

不得意

漢書田蚡傳云諸公稍自引而怠驚唯灌夫獨否故嬰
墨墨不得意而厚遇夫也灌夫傳云潁陰侯彊請之鬱
鬱不得意

不知情

漢書揚雄傳云雄不知情有詔勿問鮑宣傳云宣不知
情坐繫獄後漢書孔融傳云漢律與罪人交關三日以
上皆應知情知情者應坐罪不知情者不坐

云云

漢書汲黯傳云上方招文學儒者上曰吾欲云云蔡義

傳云以爲人主師當爲丞相何謂云云金日磾傳云卽
數揚言殿省中教當云云仲長統昌言云或曰何子之
言云云也後漢書崔琦傳梁冀曰百官外內各有司存
天下云云豈獨吾人之尤

怒怒

魏志夏侯元傳注引魏畧云李豐等被收大將軍聞許
允前遽怪之曰我自收豐等不知士大夫何爲怒怒乎
勿勿

顏氏家訓云世中書翰多稱勿勿相承如此不知所由

或有妄言此忽忽之殘闕耳案說文勿者州里所建之旗也象其柄有三游所以趣民事故忽遽者稱爲勿勿

區區

左傳是區區者而不余畀史記云以區區之齊在海濱漢書禮樂志云河閒區區下國藩臣楚元王傳云豈爲區區之禮哉後漢章帝紀區區管窺豈能照一隅哉隗囂傳論區區兩郡以禦堂堂之鋒

平平

後漢班超傳任尙私謂所親曰我以班君當有奇策今

所言平平耳

上大人

今童子初就傅往往寫上大人孔乙巳化三千七十士云云不過取其筆畫少而便習耳後讀元方回詩云忽到古稀年七十猶思上大化三千乃知由來已久

姜子牙

孫子兵法曰周之興也呂牙在殷史記留侯世家正義曰太公姜子牙周文王師封齊侯也案子牙之字蓋始于此

抱佛脚

孟郊讀經詩云垂老抱佛脚教妻讀黃經

龍虎榜

宋太宗朝泉州劉昌言上呂蒙正詩曰重名清望遍華夷恐是神仙不可知一舉首登龍虎榜十年身到鳳凰池廟堂只似無言者門館常如未貴時除卻洛京居守外聖朝賢相復書誰又澠水燕談云孫何孫僅兄弟馳名何既爲狀元明年僅亦第一王黃州以詩賀之曰病中何事忽開顏記得時稱小狀元粉筆每題龍虎榜錦

標終屬脊令原

天花板

山房隨筆云元好問妹自補天花板

者之乎

北夢瑣言云盧延讓有詩云不同文賦易爲是者之乎
後入翰林閣筆而已同列戲之曰不同文賦易爲是者
之乎竟以不稱職數日而罷

十字街

北史李諧傳云劉家在七帝坊十字街東南入窮巷是

也

家生奴

漢書陳勝傳免驪山徒人奴產子顏師古曰奴產子猶人云家生奴也

眼中釘

五代史趙在禮傳在禮在宋州人尤苦之已而罷去宋人喜而相謂曰眼中拔釘豈不樂哉既而復受詔居職乃籍管內口率錢一千自號拔釘錢

公生明

荀子不苟篇云公生明偏生闇端慙生通詐僞生塞誠
信生神夸誕生惑此六生者君子慎之而禹桀之所以
分也

無聊賴

漢書張釋之傳云尉窘亡聊賴

眼孔小

桑維翰愛錢上曰措大眼孔小與錢十萬貫塞破屋子
矣

孔方兄

晉書魯褒作錢神論云親之如兄字曰孔方失之則貧
弱得之則富昌

相髣髴

漢郊祀歌云靈之至虔陰陰相放悲震澹心顏師古曰
放悲猶髣髴也予按說文仿相似也佛見不審也又云
髣若似也今吳人稱相似爲相髣髴

赤骨立

朱子語類論夫子安仁顏淵不違仁子路求仁曰子路
譬如脫得上面兩件塵槽底衣服了顏淵又脫得那近

裏面底衣服了聖人則和那裏面貼肉底汗衫都脫得赤骨立了

細碎事

吳志呂範傳注云策謂範曰子衡卿既上大夫加手下已有大衆立功于外豈宜復屈小職知軍中細碎事乎

姜太公

古之稱齊太公者或言呂尙或言尙父或言太公姜太公之稱見於徐幹中論審大臣篇其詞曰又有不因衆譽而獲大賢其文王乎田於渭水邊道遇姜太公皤然

皓首方秉竿而釣文王召而與之言則帝王之佐也乃
載之歸以爲太師

耳邊風

杜荀鶴詩云百歲有涯頭上雪萬般無染耳邊風

有火蟲

爾雅熒火卽炤舍人注云夜有火蟲也今吳人以螢爲
有火蟲

沒字碑

舊五代史周安叔千傳云叔千鄙野而無文當時謂之

安沒字言若碑碣之無篆籀但虛有其表耳五代史唐
任圜傳云崔協不識文字而虛有儀表號爲沒字碑

少吃口

古樂府云晚飯少吃口活到九十九

小家子

漢書霍光傳云使樂成小家子得幸大將軍至九卿封
侯

有心幾

後漢書宦者鄭眾爲人謹敏有心幾

平天冠

蔡邕獨斷云孔子曰服周之冕鄙人不識謂之平天冠
李善東京賦注云冕所謂平天冠也

大手筆

晉書王珣傳珣夢人以大筆如椽與之既覺語人云此
當有大手筆事俄而帝崩哀冊諡議皆珣所草

叫不應

後漢書劉陶傳云關東破膽四方動搖威之不來叫之
不應

浴佛日

後漢書陶謙傳云每浴佛輒多設飲飯布席于路其有就食及觀者且萬餘人宋書劉敬宣傳云八歲喪母四月八日敬宣見衆人灌佛乃下頭上金鏡以爲母灌因悲泣不自勝

破天荒

唐荊州衣冠薮澤每歲解送舉人多不成名號曰天荒解劉蛻舍人以荆解及第號爲破天荒見孫光憲北夢

瑣言

裏頭空

宋時謠云臻蓬蓬外頭花盤裏頭空今人言外頭閃電裏頭空本此

東道主

左傳燭之武見秦君曰若舍鄭以爲東道主史記鄭使謂秦穆公曰君何不解鄭得東道後漢書彭寵傳云以一身從我不如以一代爲北道主人是今人專以主人爲東道古人各指其地言之

人道我

詩寤言不寐願言則嚏鄭箋言我也願思也嚏讀當爲
不敢嚏咳之嚏我其憂悼而不能寐汝思我心如是我
則嚏也今俗人嚏云人道我此古之遺語也是漢時已
有此語

三分話

朱子語類云如今俗語云逢人且說三分話只此便是
不忠

做將來

五雜俎云陶器柴窰最古世傳周世宗燒造所司請其

顏色御批云雨過青天雲缺處這般顏色做將來

行好事

馮道詩云但知行好事莫要問前程

權入手

朱灣詩云一朝權入手看取令行時

十八九

漢書丙吉傳云至今十八九矣

十三四

後漢書劉陶傳云今其存者尙十三四

在何許

杜工部詩我生本飄飄今復在何許

五時衣

後漢東平憲王傳云乃閱陰太后舊時器服愴然動容
乃命留五時衣各一襲注云五時衣謂春青夏赤季夏
黃秋白冬黑也衣單複具曰襲

賊王八

五代史前蜀世家云王建少無賴以屠牛盜驢販私鹽
爲事里人謂之賊王八

主人翁

史記范雎列傳云主人翁習知之唯雎亦得謁漢書東方朔傳上曰願謁主人翁又云當是時董君見尊不名稱主人翁

田舍翁

宋書武帝大脩官室袁顛屢稱高祖儉素帝曰田舍翁得此已過矣

脩邊幅

後漢書馬援傳云公孫不吐哺走迎國士與圖成敗反

俯飾邊幅此子何足久稽天下士乎注云言若布帛脩
整其邊幅也

送竈君

羅隱送竈詩云一椀清茶一縷烟竈君皇帝上青天玉
皇若問人間事爲道文章不值錢

無能爲

漢書高帝紀云豨不據邯鄲而阻漳水吾知其無能爲
矣

致書郵

晉書殷羨字洪喬爲豫章太守都下人士因其致書者
百餘函行次石頭皆投之水中曰沈者自沈浮者自浮
殷洪喬不爲致書郵

獨眼龍

五代史李克用少驍勇軍中號曰李鴟兒其一目眇及
其貴也又號獨眼龍其威名蓋于代北

清慎勤

魏志李通傳注引李秉家誠云昔侍坐於先帝時有三
長吏俱見臨辭出上曰爲官長當清當慎當勤修此三

者何患不治乎

大根腳

元史浩兩鈔摘腴云韃靼有拘哥者原係大根腳後替
典賣貨物罄盡

一頓食

世說新語羅友曰願乞一頓食杜子美詩頓頓食黃魚

通言卷六

嘉定錄大昭

諸老先生

漢書賈誼傳云誼年二十餘最少每詔令議下諸老先生未能言誼盡爲之對人人各如其意所出

白面書生

宋書沈慶之傳云慶之曰治國譬如治家耕當問奴織當訪婢陛下今欲伐國而與白面書生輩謀之事何由

濟

學步邯鄲

漢書叙傳云昔有學步于邯鄲者曾未得其髣髴又復失其故步遂匍匐而歸耳

干汝何事

舊唐書云明皇爲楚王叱金吾將軍武懿宗曰吾家朝堂干汝何事敢迫吾騎從杜甫黑白二鷹詩云干人何事網羅求南唐元宗樂府詞云小樓吹徹玉笙寒馮延巳有風乍起吹皺一池春水之句皆爲警策元宗嘗戲延巳吹皺一池春水干卿何事延巳曰未如陛下小樓

吹徹玉笙寒

隔靴爬痒

朱子語類云聖人只是識得性百家紛紛只是不識性
字揚子鶴鶴笑笑荀子又所謂隔靴爬痒

依樣葫蘆

東軒筆錄云宋太祖曰頗聞翰林草制皆檢前人舊本
改換詞語此乃俗所謂依樣畫葫蘆耳又五代詩話引
顧存錄云陶穀來使忠懿王宴之王命進葫蘆羹曰此
先王時有此品味庖人依樣造者穀在中朝或作詩嘲

之曰堪笑翰林陶學士年年依樣畫葫蘆故王以此戲焉

女生外嚮

白虎通云男生內嚮有留家之義女生外嚮有從夫之義

驚心破膽

王符潛夫論云故凡欲變風改俗者其行賞罰也必使足驚心破膽

自我作古

唐書懿德太子傳云是歲立爲皇太孫開府置官屬高宗問吏部侍郎裴敬彝郎中王方慶對曰禮有嫡子無嫡孫漢魏太子在子但封王晉立愍懷子爲皇太孫齊立文惠子爲皇太孫皆居東宮今有太子又立太孫於古無有帝曰自我作古若何

未能免俗

晉書阮咸與叔父籍居道南諸阮居道北北阮富而南阮貧七月七日北阮盛曬衣服皆錦綺絜目咸以竿挂大布犢鼻于庭人或恠之答曰未能免俗聊復爾耳

年開八袞

古人以年過六十爲開七袞年過七十爲開八袞白居易
易詩云行開第八袞可謂盡天年又云已開第八袞屈
指幾多人方回丁酉元日年七十一詩云九臚唱第今
三紀八袞開端又一年又云高年開八袞細字尙親抄
皆其證也

瓜田李下

文選詩瓜田不納履李下不整冠

奉行故事

漢書魏相傳云相好觀漢故事及便宜章奏以爲古今異制方今務在奉行故事而已

名士風流

後漢書方術傳論云漢世之所謂名士者其風流可知矣

得隴望蜀

晉宣帝紀魏武曰人苦無足旣得隴右復欲得蜀

粉白黛黑

楚辭大招云粉白黛黑施芳澤只列子周穆王篇云衣

阿錫曳齊秋粉白黛黑戰國策云張儀曰周鄭之女粉
白黛黑非見而知之者以爲神漢武故事云上起明先
宮發燕趙美女二千充之皆自然美麗不施粉白黛黑
以上諸書皆作粉白黛黑至韓昌黎作送李愿歸盤谷
序乃云粉白黛綠者列屋而閒居而東坡與王定國書
粉白黛綠者俱是火宅中狐狸射干之流願以道眼點
破孫覲人宋與張宣榦書曰粉白黛綠乃疾病之根一刀
兩段不可復疑也俱沿昌黎之譌

剝人面皮

晉書賈充問孫皓曰卿在江南何爲剝人面皮皓曰見無禮于君者則剝之

半閒不界

朱子語類論發憤忘食樂以忘憂不知老之將至云爾
泛說若是謙詞然聖人之爲人自有不可及處直要做
到底不做箇半閒不界底人

天網恢恢

道德經任爲章天網恢恢疏而不失

爾俸爾祿

容齋隨筆云爾俸爾祿民膏民脂下民易虐上天難欺
太宗皇帝書此以賜郡國立於廳事之南謂之戒石銘
按成都人景煥有野人閒話一書乾德三年所作其首
篇頒令箴載蜀王孟昶爲文頒諸邑云朕念赤子旰食
宵衣言之令長撫養惠綏政成三異道在七絲驅雞爲
理留憤爲規寬猛得所風俗可移無令侵削無使瘡痍
下民易虐上天難欺賦輿是切軍國是資朕之賞罰固
不踰時爾俸爾祿民膏民脂爲民父母莫不仁慈勉爾
爲戒體朕深思凡二十四句昶區區愛民之心在五季

諸僭偽之君爲可稱也但語言皆不工唯經表出者詞
簡理盡遂成王言蓋詩家所謂奪胎換骨法也

興復不淺

晉書庾亮傳云亮在武昌諸佐吏殷浩之徒乘秋夜往
共登南樓俄而不覺亮至諸人將起避之亮徐曰諸君
少佳老子於此興復不淺便據胡牀與浩等談詠竟坐

金玉滿堂

道德經運夷章云金玉滿堂莫之能守

金龍大王

吳興備志引馮元成集云金龍大王姓謝名緒建祠於
上隆慶朔大司空潘季馴督漕河河塞不流司空爲文
賁神河塞如故會司空有書史以事過洪天將暮遇五
伯擒以見神神坐廟內詰問書史曰若官人胡得無禮
河流塞亦天數也吾豈爲此厲民爲語司空吾已得請
於帝河將以某日通矣若掌書不敬當罰書史訴不得
受朴去以告司空已而河果以某日通于是司空祇事
不敢不虔

耕當問奴

宋書沈慶之傳云耕嘗問奴織當訪婢北魏書邢巒傳云俗諺曰耕則問田奴絹則問織婢臣雖不武忝備征將前宜可否頗實知之

今宵有酒

今宵有酒今宵醉明日愁來明日愁野客叢書以爲羅隱詩能改齊漫錄以爲權常侍審所作其上二句云得則高歌失則休何須多恨太悠悠

差疆人意

後漢書吳漢傳云帝歎曰吳公差疆人意隱若一敵國

矣

乘興而來

晉書王子猷嘗居山陰夜雪初霽月色清朗四望皓然
獨酌酒詠左思招隱詩忽憶戴逵逵時在剡便夜乘小
船詣之經宿方至造門不前而反人問其故徽之曰本
乘興而來興盡而反何必見安道邪

東之高閣

晉書庾翼傳京兆杜乂陳郡殷浩並名冠世而翼不之
重也每語人曰此輩宜東之高閣俟天下太平然後議

其任耳

遙遙華胄

南史梁何昌寓爲吏部尚書有姓閔求官者昌寓問君是誰後對曰閔子騫後昌寓掩口笑曰遙遙華胄

四通八達

舊五代史晉高祖本紀云今汴州乃萬灰千倉之地是四通八達之郊

張三李四

朱子語類云如這眾人只是一箇道理有張三有李四

李四不可爲張三張三不可爲李四

家有賜書

漢書敘傳云班彪字叔皮幼與從兄嗣共游學家有賜書

鹿死誰手

晉書載記石勒曰朕若遇高皇帝當北面事之與韓彭
競鞭而爭先耳脫遇光武當並驅中原未知鹿死誰手

富貴榮華

王符潛夫論云所謂賢人君子者非必高位厚祿富貴

榮華之謂也

無出其右

漢書高帝紀云賢趙臣田叔孟舒等十人召見與語漢
廷臣無能出其右者

孤兒寡婦

後漢書陳龜傳云戰夫身膏沙漠居人首係馬鞍孤兒
寡婦號哭空城晉書載詔石勒曰大丈夫行事當礪礪
落落如日月皎然終不能如曹孟德司馬仲達父子欺
他孤兒寡婦以取天下也

囓囓呼犬

公羊傳徐彥疏云今呼犬謂之屬

窮兒暴富

東坡先生與程全父推官啓云兒子到此鈔得唐書一部又借得前漢一部欲鈔若了此二書便是窮兒暴富也呵呵

急流勇退

湘山野錄云錢若水謁陳希夷欲分華山居之白問道者謂希夷曰無此骨法當爲貴公卿能于急流中勇退

耳東坡先生次孫巨源五絕句云高林晚歲終難進勇
退當年正急流又贈程傑云火色上騰雖有數急流勇
退豈無人

因饑廢食

呂覽蕩兵篇云夫有以饑死者欲禁天下之食恃有以
乘舟死者欲禁天下之船恃有以用兵喪其國者欲偃
天下之兵恃說苑說叢篇云一噎之故絕穀不食一蹶
之故卻足不行

不分皂白

大雅桑柔詩箋賢者見事之是非非不能分別皂白言之于王也然不言之何也此畏懼犯顏得罪罰

不識時務

後漢書張霸傳云時皇后兄虎賁中郎將鄧騭當朝貴盛聞霸名行欲與爲交霸逡巡不答衆人笑其不識時務

人面獸心

漢書匈奴傳云人面獸心逐草隨畜射獵爲生晉書孔叡傳云又觀頃日降附之徒皆人面獸心貪而無親難

以義感

年衰鬼弄

杜荀鶴詩云世亂奴欺主年衰鬼弄人

吹毛求疵

漢書中山靖王勝傳云今或無罪爲臣下所侵辱有司吹毛求疵笞服其臣使證其君多自以僂冤

人所應有

宋書沈懷文與江智淵友善懷文每稱之曰人所應有盡有人所應無盡無者其江智淵乎

頰上添毛

晉書顧愷之嘗圖裴楷象頰上加三毛觀者覺神明殊勝

力不從心

後漢書西域傳云如諸國力不從心東西南北自在也

高聲大罵

任昉彈劉整云忽至戶前高聲大罵

這邊那邊

北夢瑣言云蜀王衍常裹小巾其尖如錐宮妓多衣道

服簪蓮花冠施胭脂夾臉號醉粧術作醉粧詞云這邊
走那邊走只是尋花柳那邊走這邊走莫厭金盃酒

樂此不疲

後漢書光武帝本紀云皇太子見帝勤勞不怠承閒諫
曰陛下有禹湯之明而失黃老養性之福願頤愛精神
優游自寧帝曰我自樂此不爲疲也

一人向隅

漢書刑法志云古人有酒曰醵堂而飲酒有一人鄉隅
而悲泣則一堂皆不樂

時來運夫

羅隱詩時來天地皆同力運去英雄不自由

閉門不管窗前月

閉門不管窗前月分付梅花自主張南宋陳隨隱自述
其先人藏一警句爲真西山劉漫塘所擊賞者

不能使船嫌溪曲

朱子語類云人多言爲事所奪有妨講學此爲不能使
船嫌溪曲者也遇富貴就富貴上做功夫遇貧賤就貧
賤上做功夫

名下無虛士

國史纂異云閣立本家世善畫至荊州視張僧繇舊迹
曰定虛得名耳明日又往曰猶是近世佳手明日又往
曰名下定無虛士坐臥觀之留宿其下十日不能去

冷灰裏豈爆

朱子語類問程子謂致知節目如何曰如此理會也未
可須存得子心却逐節子思索自然有箇覺處如諺所
謂冷灰裏豈爆